



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 5. An, & qualiter probant libri Rationum?

[urn:nbn:de:hbz:466:1-73001](#)

Compromissarios acta sunt, si aliquid in factum respiciens, vel professum est, vel attestatum, posse eo & in ordinariis uti iudicis.

1844. Altera de Testibus *L. 20. C. de Testib.* ibi: *cum apud Compromissarios Judices testes fuissent producti, variatum est, utrum deberet eorum depositionibus in iudicio litigator uti, an non esset audiendus?* Sancimus igitur, *si quidem in compromissis aliquid pro hujusmodi causa statutum est* (id est, si partes consenserunt, ut testium depositio probaret) *hoc observari:* Sin autem nihil convenitum est in hujusmodi casibus, *si quidem super sint testes, licentiam habere eum, contra quem depositiones eorum proferuntur;* *si eos recusaverit, concedere testes iterum adduci, & non opponi eis, quod jam testimonium suum dederint: vel si hoc concedere minime maluerit, depositiones eorum quasi factas accipere:* Si vero res permixtae fuerint, & quidam ex his mortui, alii viventes, tunc in superstitione quidem testimonii eandem electionem servari litigatori, adversus quem testimonia proferuntur; in morientium autem personas, depositiones eorum non esse responendas: omni (secundum quodjam praediximus) adversus eas, & testes legitimo jure, quod ei competit, adversus quem proferuntur, integro servato.

1845. Et quamvis lex ista loquatur solum de testibus deponentibus apud arbitrum; quia tamen arbitria reducta sunt ad normam Judiciorum, idem dicendum venit de Testibus deponentibus apud judicem; alias Imperator non statuisset, ut illis testibus mortuis fides adhibeat; neque aliud evincitur ex *c. 37. de Testibus.* concedo enim inde haberi, quod attestationes utriusque partis a prioribus Judicibus receptae, etiam apud posteriores fidem habuerint ad terminandam item; at ex hoc non probari, quod inibi dicatur, fuisse receptos sine novo examine, etiam si hoc pars petiverit; sed potius, de consensu partium.

§. 5.

An, & qualiter probant libri Rationum?

1846. *A*nte resolut. not. *Ratiocinium* (ut definit Sylvester *V. eod. n. 1.*) esse redditionem rationis ex administrâ-

tione vel publicæ, vel privatæ rei. Sunt igitur in duplice genere *ratiocinia*, nempe alia *publica*, quibus obligantur officiales Curiae ex administratione rerum pertinentiū ad rem publicam, *L. officiales*, *C. de Episc. & Cler.* alia *privata*, quibus obligantur homines ex administratione rerum privatorum, ut tutores, actores, procuratores, executores, *c. uno, de oblig. ad ratiocin.* Quamvis enim ratio sumatur pro cautione, *Authent. de nupt.* §. *sic itaq.* Pro causa *L. eas obligationes, ff. de capit. dimin.* pro respectu proposito, seu consilio, *L. clam possidere, ff. de aq. possess.* pro mente legis *L. cum mulier, ff. solut. matr.* tamen sumitur aliquando pro *supputatione*, vel *calculo*, seu expensa: & quidem ab Azone in *summa*, §. *est autem de edendo*, definitur: *scriptura, causâ negotiationi mutua edita de datis, & acceptis.*

Not. 2. esse discrimen inter *reddere*, 1847. & *edere rationem*; nam *edere*, est ratios exhibere, & copiam describendi facere: *reddere* autem, est *computare*, & quod reliquum est, restituere, *L. boves, ff. de verb. sign.* Unde apud Spiegel, *V. eod.* Rationes reddere plus est, quam edere: tutor reddit: argentarius plerumq; tantum edit; *Rationes Calendarium recognoscere*, est per singulos imenses præscripta nomina recensere, ut sciatur, quid nominum quoquo mense factum sit. Similiter *Rationibus inferre*, est eam summam, quæ impenditur, in rationarium perscribere; *Rationibus referre*, est inter recepta computare; *Rationes referre* est computum reddere; *Rationes dispendere*, est computum examinare; Budæus in *L. si Prior, de Pignor.* *Rationarius codex* est, in quo rationes rerum gestarum continentur; vulgo *registerum* vocat.

Not. 3. *Rationum* appellatione, utrabit Alciat. in *L. 1. C. de edend. ex L. Cartæ, de bono poss.* non *instrumenta* tantum, aut *codices rationarii* continetur, *L. cum servus, de condit. & demon.* sed etiam *Calendaria, Diaria*, seu *Ephemerides*, & *adversaria*: itemque si qua in palimpsesto, seu deletitia charta, aut epistographo scripta sunt. *Rationalis* idem est, quod Logista, nempe qui reddendis rationibus præest,

est, L. Curator, de modo multar. quibus præmissis:

1849. In L. 9. §. 2. ff. de Edendo, supponitur, libros rationum publicarum (nimurum conscriptos ab his, qui tale munus, & officium auctoritate publicâ commissum habent) æquè probare, ac scripturam Notarii publici. Verba legis sunt: Nummularios quoque non esse iniquum cogi rationes edere Pomponius scribit, quia & hi Nummularii sicut argentarii rationes conficiunt, quia & accipiunt pecuniam, & erogant per partes, quarum probatio scripturâ, codicibusque eorum, maximè continetur, & frequentissimè ad fidem eorum decurritur. Argentarius autem, qui alio nomine Argentariæ mensæ exercitor dicitur, est, qui pecunias publicas exigit, aut pecunias sub fide publica permutat. Numularius inferioris conditionis est, quam Argentarius: quamvis enim pecuniam tractet permutando, & fœnori dando; at non publicâ authôritate: ideoque ejusdem rationes non faciunt tantam fidem: edenda tamen ad postulatum illius, cuius causâ scriptæ fuerunt, L. quædam, ff. de edendo.

1850. Not. 4. per libros censuales intelligi eos, in quibus conscripta est æstimationem bonorum, seu patrimonii uniuscujusque in certo territorio, existentium in hunc finem facta, ut à supremo Domino, vel Magistratu possint cum debita proportione imponi Exactiones, Contributiones, steeræ, seu Collectæ. De his scripturis agitur L. 4. ff. de Censibus; quibus positis, quæstio est, quam vim probandi habeant ejusmodi libri censuales?

1851. Resp. de hoc agi in L. 10. ff. de probat. ibi: *census, & monumenta publica potiora testibus esse Senatus censuit;* ex quo textu sequitur, ex libris censualibus, seu æstimatoriis, rectè probari, bona descripta esse tantæ æstimationis; in quo tamen existimo addendum, si justè facta sit æstimationis; item nisi doce ri possit, interim valorem eorum multum esse imminutum, aut inutilia in ordine ad fructum esse facta; qualiter sape contingit, quod habenti tot domos se-

cundùm æstimationem impositum reperiatur onus annum in libris censualibus; cum tamen interim domus destructæ sint, exigente necessitate publicâ, v.g. bellum tempore; vel vastatae incuribus hostilibus, aut incendio, nec reparabiles à possessore. Tali enim censu libri censuales ritè quidem probant, olim fuisse tantæ æstimationis, & bene subjecta tantæ contributioni ex fructibus inde perceptibilibus; sed hoc cessante, sine culpa possessoris, iniquum toret onerari possessorem pari onere, quam antè. Ratio sumitur ex L. 4. §. 1. ff. de Censib. ibi: illam æquitatem debet admittere Censor, ut officio ejus congruat, relevari eum, qui in publicis tabulis de lato modo frui certis ex causis non possit. Quare, & si agri portio chasmata perierit, debebit per censitorem relevari. Si vites mortuæ sint, vel aruerint, iniquum, eum numerum inferi censui.

Not. 5. quando dicimus, ex libris censualibus fieri plenam fidem, debere intelligi, in superiore, & subdito, quoad æstimationem bonorum, secundùm quæ, ut inibi descriptum est, iste illi subjicitur ad ferenda onera contributionum; id quod etiam intelligitur de bonis, inibi descriptis, postquam transivere ad Ecclesiæ, vel personas Ecclesiasticas cum onere reali, prius illis incumbente, nec extinto, vel remisso, cum ad eas transmitterentur; tunc enim tacito pacto ad eas transeunt: secus est, de novis oneribus, quibus, antequam ad Ecclesiæ, vel Ecclesiasticos transirent, subjecta non erant. Nam, si nova illis onera imponerentur, postquam ea bona Ecclesiastica facta sunt, exerceretur potestas in bona non subjecta; nisi hoc ipsum fieret de consensu legitimi Superioris Ecclesiastici, ut tradidimus lib. 5. tit. 1. de Constitut. Dixi: debere intelligi de Superiori & subdito; nam liber censualis nihil probat in præjudicium Tertii; si non etiam ipse intervenit, aut consensit in descriptionem. Nam censualis professio Domino præjudicare non solet, si nimurum alitus mea bona tanquam sua curâasset inscribi; ut dicitur L. 7. C. de donat. aliud est, si consensisti.

Not.

Ooo

1853. Not. 6. probationem de valore talium bonorum defumptam ex libro censuali non semper valere. Nam vel æstimatio facta est ab ipso Censitore; vel ab ipso Domino, & possessore rei Censori intimata? si primum? non recte probat, tantum esse pretium rei, & non majus, si Dominus eam venalem exponeret; nam in hoc casu fit æstimatio rei acceptæ secundum alias circumstantias, quæ non attenduntur in contractu venditionis. In illis enim æstimatio fit consideratis proventibus, qui commodissimè proveniunt attentâ semper æquitate, ut subditi in onere contributionum non nimium graventur, sed potius relevantur, cum quandoque contingat eos certis ex causis illis frui non posse, ut colligitur ex L. 4. §. 1. ff. de Censibus, de qua n. 1851. quare communiter ibi res venit minori pretio, quam æstimantur, si talis res vendenda foret. Hæc de libris Censorum.

1854. Loquendo autem de libris aliorum Officialium publicorum, not. 7. librum conscriptum ab Officiali publico posse continere res pertinentes ad alios, ex officio annotandas in his, quæ præstanta ab illis sunt, v.g. quod Titius solverit gabellam ex tali re, vel contractu celebrato cum hoc vel illo; & in ordine ad hoc non minus, quam instrumentum Notarii, talis liber plenè probat quoad factum ibi relatum, non modo de solutione facta, sed etiam contractu celebrato cum hoc, vel illo; nam ejusmodi scripta attestatio Officialis publici in rebus pertinentibus ad officium, insertis libro sui munericis, non modo probat factum, sed etiam id, ex quo illud pendet, cuiusmodi est solutione, propter contractum inibi factum, si annotatio facta sit præsentibus iis, quos concernit, v.g. contractibus; quod tamen intellige, nisi ex alio capite talis inscriptio suspecta redderetur.

Dixi, si contineat res pertinentes ad alios, ex officio annotandas; dicitur autem ad officium illius pertinere, quod ex quasi causa, & origo, munericis constituti, ac collati ad talium rerum annotationem. Hinc non probat,

quando ejusmodi annotationem, vel inscriptionem fecit in rebus impertinentibus ad officium; nec in his, quæ scripsit pro se, contra tertium, qui ejus personam non approbavit, & cum quores gesta non est; si autem esset pertinens ad officium, probaret quidem etiam quoad illud pro scribente adversus eos, qui ei tale officium contulerunt, sed cum juramento, si, quod scriptum est, sit verosimile, ac alias probatu difficile.

§. 6.

Quam probationem faciant aliae scripturae non publicæ?

Prima quæstio est de libris Ecclesiæ 1855. vel monasteriorum; de quibus dicendum sub distinctione, si manu Notarii publici conscripti sint, vel in Archivo publico asservati, eos probare non minus, ac probent aliae scripturæ, in quantum explicant vel formalitatem scripturæ consecratae à tali Notario, de quibus à n. 1855. vel formalitatem scripturæ asservatae in Archivo publico de quo à n. 1786. Notandum, autem *Archivum*, apud Latinos, ut notat Pereyra in *Elucidar. n. 349.* idem esse, atque Tabularium, seu Armarium librorum, seu locum, ubi tabulæ, & instrumenta publica, monumenta rerum, & actorum asservantur, de quo Ulpianus *L. moris, §. solet, ff. de pœnis;* & notatur etiam in *c. pervenit. 30. q. 1.* ibi: nos inquisivimus priorum patrum nostrorum dicta; invenimus autem in *Archivo* hujus *Apostolice Sedis* jam talia contigisse in Ecclesiis Isauræ Ephesiorum &c. Not. 2. *Archivum* aliud esse minus propriè, quod scilicet non est erectum auctoritate publicâ, nimis alicujus Magistratus, habentis potestatem ferendi leges publicas; aliud, quod secus, & quidem ad eum finem, ut inibi non reponantur nisi illæ scripturæ, quas Magistratus vult haberi pro Authenticis, esto secundum sè, & in alio loco repertæ non forent authenticæ; & hoc *Archivum* est propriè *publicum*, seu *Archivum* in sensu juris communis; dicique solet, ut notat Pereyra citatus, Grammatophylacium; & qui ei præfuit, Archiota, de quo idem n. 512.

Igi-